

PUO EA MOHLOMPHEHI LETONA LA MERALO EA NTS'ETSOPELE MONGHALI
TLOHELANG AUMANE MABAPI LE BOITLHOPHO BA LEFAPHA LA LIHLAPISO (NMDS)
NAKONG EA QOMATSI EA SEOA SA CORONA

LABOHLANO LA 27/03/2020 HOLONG EA LIBOKA EA MANTHABISENG CONVENTION
CENTER MASERU

Lefapha la Lihlapiso (NMDS), le ipapisitse le phatlalatso ea Mohlomphehi Tona Kholo mabapi le mehato ea ts'ireletso ea Basotho khahlano le seoa sa Coronavirus (COVID-19), le entse litlhopho ho netefatsa hore litsebetso li ntse li finyella ho baithuti ka hare le ka ntle ho naha. Lefapha le tlo phethahatsa sena ka hotla mosebetsing hoa basebeletsi ka mekhahlelo oa lipalo tse tlaase ha ba bang ba lutse ba le malala a laotsoe (stand by) malapeng.

Baithuti ba tla sebeletsoa ka mekhoha e mmeli: e tla ba ba sebeletsoang ofising le batla sebeletsoa ka lipuisano tsa marang-rang tse kenyeletsang facebook, whatsapp, emails le ho buisana ka lifono moo ho hlokahalang. Baithuti ba lebelletsoeng ho tla ofising ke ba tlang litsebeletsong tsa ho etsa likopo tsa lihlapiso tse phatlalalitsoeng Advertised Scholarships). Baithuti bana ba tla kena ka hara moaho ka taolo ea lipalo ho qoba tsubuhlellano ho etsoe hloko katamelano pakeng tsa bona le ofisiri tse ba sebeletsang. Karolo ea bobeli ke boholo ba baithuti batla sebeletsoa le ho buisana le basebeletsi ka mokhoa oa marangrang. Mona ke tsebetso tse kenyeletsang ho kopa litlhalosetso, tsalo morao ea litsebetso tse saletseng morao tsa bona mabapi le litefo tsa litsiane le litefo likolong joalo-joalo. Ka mokhoa o tsoanang, ofisi le eona e tla sebelisa ona marang-rang ho fetisa litsebisano le ho fumana tse ka hlokahalang ho baithuti moo tsebetso e ntse tsoela pele e hlokanang joalo.

Tsebeliso ena ea marang-rang e tla ama hape ka kotloloho baithuti ba kante ho naha bao bona ho kenyeletsang puisano khafetsa ho netefatsa hore lefapha le lula le le sehlohlolong ka maphelo a baithuti nakong ena. Ke ka marang-rang hape baithuti ka mafapha ohle ba tla tseba ho ntsetsa pele ho romela litokomane tse hlokahalang lefapheng la lihlapiso. Lefapha ka ofisi ea liphatlatlatso e tla nne e hlaha seea-le-moeeng sa Lesotho ka Labohlano ha hora ea boraro e fetile ka metsotso e mashome a maroro thapama (3:30pm) lenaneong la Molikong oa bacha. Mona ke moo Lefapha le behang baithuti le Basotho ka kakaretso sehlohlolong ka litsebetso tsa lihlapiso.

Lefapha le boetse le ntlafalitse mokhoa oa hore baithuti ba bebofalloe ho bua le bona ka email ka ho eketsa mecha, email tse mmaloa tsa liofise tse fapaneng li tla fumaneha letlapeng la facebook la National Manpower Development Secretariat

Khotso Pula Nala